

Наврўз насимлари

“Наврўз – 2013”

Сурхон воҳасида бодом гуллади. Қир-адирларда бойчечак бўй кўрсатди. Қорлари эриган бепоен далаларда ниш ўраётган ўт-ўланларни баҳорнинг майин насимлари оҳиста эркаламоқда. Кўклам боис қалбимизда жўш урган шукроналик хисси барчамизни баҳорги бунёдкорлик ишларини бошлашга ундаётди. Зеро, бойчечак бўй кўрсатиши билан хонадонлар, маҳалла ва бутун юртимизни ободонлаштириш, кўкаламзорлаштириш ҳалқимизга хос юксак фазилатлардандир.

Обод турмуш йилида ҳудудларни саранжом-сарийшта қилиш, кўкаламзорлаштириш ишлари Термиз халқаро аэропортидан бошланди. Бу ердаги кенгайтирилаётган автомобиль йўли атрофига ҳашар йўли билан уч минг дондан ортиқ манзарали дарахт кўчатлари ўтказилди.

Вилоят ҳокимлигидан маълум қилишларича, жорий йилда ободонлаштириш, кўкаламзорлаштириш ишларини сифатли амалга ошириш учун кўча ва маҳаллаларга, ҳар бир ҳудудга масъуллар бириктирилиб, улар зиммасига аниқ вазифалар юкланган. Кўчалар, кўп қаватли уйлар, маҳаллалар атрофига мева ва манзарали дарахт ҳамда турли гул кўчатларини ўтказиш, йўлак ва хиёбонларни тартибга келтириш, теварак-атрофни чиқиндилардан тозалаш, асосий байрам тадбирлари ўтадиган хиёбон ва истироҳат боғларини ободонлаштириш бўйича кенг қамровли чора-тадбирлар амалга оширилмоқда.

— Халқимизнинг “Наврўз — кўнгилларда гул ундиреди” деган хикматли сўзларида чуқур маъно бор, — дейди “Қамолот” ёшлар ижтимоий ҳаракати вилоят кенгаши раиси Оллакул Худойбердиев. — Ёшларимиз томонидан баҳор фаслида ажойиб ташаббуслар билан чиқиш, чунончи, катта-катта бунёдкорлик ишларини амалга ошириш яхши анъана тусини олди. Айни кунларда йигит-қизларимиз “Ҳашар — Сурхон ёшларига ярашар!” шиори остида ўтказилаётган жамоат ишларида, маҳалла ва кўчаларни ободонлаштиришда фаол иштирок этаётди. Шаҳар ва қишлоқларимизда “Ҳар бир ёшга бир кўчат” ташаббуси билан мева-ли-манзарали ва гул кўчатлари ўтказиш ишлари ҳам бошлаб юборилди.

Кўкаламзорлаштириш ойлигини юқори савияда ўтказиш учун вилоят ўрмон хўжалиги ишчилари уч миллион донага яқин 30 турдаги турли мева ва манзарали дарахт кўчатлари тайёрлади. Мавсумнинг дастлабки кунларида Термиз шаҳри ва туманига қарийб 15 минг тул турли дарахт кўчатлари етказиб берилди.

Вилоятнинг асосий байрам сайллари ўтадиган Термиз шаҳридаги Амфитеатр мажмуаси, “Дўстлик”, “Болажон”, Бобур номидаги маданият ва истироҳат боғлари атрофи ободонлаштирилиб, байрамога безатилмоқда. Юртимизда Наврўз турли миллатлар ўртасидаги дўстлик ва биродарлик ришталарини янада мустаҳкамлайдиган, миллий қадрият ва урф-одатлар улуғланадиган шодиёна сифатида кенг нишонланади. Кўпмиллатли воҳада умумхалқ байрамини юксак савияда ўтказиш учун таниқли ижодкорлар, санъаткорлар, бахшилар, спортчилар катта тайёргарлик кўрмоқда.

— Кенг қир-адирларда, бепоен далаларда ташкил этиладиган кўпқари, кураш сингари спорт мусобақалари халқ сайлларига кўтаринки руҳ бағишлайди, — дейди вилоят маданият ва спорт ишлари бошқармаси бошлигининг ўринбосари Муяссар Қоранкулова. — Наврўзда халқимизнинг бағрикенглик, меҳр-оқибатлилиқ, саховатпешалик каби олижаноб фазилатлари янада ёрқин намоён бўлади.

Буларнинг барчаси юртимизда тинчлик ва оқойишликни, аҳоли турмуш даражасини юксалтириш юзасидан амалга оширилаётган ислохотлар натижасидир.

Холмўмин МАМАТРАЙИМОВ,
ЎЗА мухбири



Маҳсулот ўзимизники, Ўзбекистонники

Экспорт ҳажми ошмоқда

Мамлакатимизда маҳаллий хомашёдан сифатли ва рақобатбардош тайёр маҳсулот ишлаб чиқариш ҳажмини янада кўпайтириш, аҳолининг бандлик даражасини ошириш борасида кенг кўламли ишлар амалга оширилмоқда.

Бу жараёнга маҳаллий ва хорижий инвесторларни кенг жалб этишга алоҳида эътибор берилаётгани самарасида корхоналарда тайёрланаётган маҳсулотларнинг тури, ҳажми, сифати ҳамда рақобатбардошли-

ги ошмоқда. Кўплаб янги иш ўринлари яратилмоқда.

Тошкент вилоятининг Янгийўл туманидаги «Elnur and Ruslan textile» корхонасида ҳозирда қирққа яқин моделда болалар учун мавсум-

боп кийимлар ишлаб чиқарилапти.

Корхона юксак иш унумдорлигига эришиш, сифатли, рақобатбардош ва хариддоригр маҳсулот ишлаб чиқариш имконини берадиган замонавий технология билан таъминланган. Шу билан бирга тайёр маҳсулотнинг асосий қисми экспорт қилинмоқда.

Ўтган йили корхонада 7 млрд. сўм атрофида маҳсулот ишлаб чиқарилган ва унинг 15 фоизи ички бозорда сотилди,

85 фоизи хорижий давлатларга жўнатилди.

Корхонада бу йил янги технологияларни харид қилиш ва мато тўқишни ҳам йўлга қўйиш режалаштирилган. Шулар эвазига яна саксонга яқин янги иш ўринлари яратилади.

Маҳаллий хомашё ҳисобига ишлаётган «Elnur and Ruslan textile» да 450 нафар ишчи-хизматчи меҳнат қилмоқда. Этиборлиси, уларнинг аксари касб-хунар коллежларини битирган ёшлар.

— Мутахассислигим бўйича бу ерга ишга кирганимдан хурсандман, — дейди туман иқтисодий ва сервис касб-хунар коллежини тамомлаган З.Нор-хўжаева. — Корхонада самарали меҳнат қилиш, кўнгилдаги-дек дам олиш учун барча зарур шароитлар яратилган. Бу ерда бичиш-тиқиш бўйича эгаллаган билим ва малакани янада оширмоқдаман.

М.АМИН (ЎЗА) олган сурат

Табиат мусаффолиги

энг аввало, соҳадаги қонун ҳужжатларининг аҳволи ва такомиллашуви билан чамбарчас боғлиқ

Концепция: устувор вазифалар

Ўзбекистонда атроф-муҳитни муҳофаза қилиш, табиий ресурслардан оқилона фойдаланиш ва аҳолининг экологик хавфсизлигини таъминлаш давлат экологик сиёсатининг асосий йўналишлари сифатида белгиланиб, ушбу соҳаларда кенг қамровли ислохотлар босқичма-босқич амалга ошириб келинмоқда.



ФАКТ ВА РАҚАМ

2013 йилда асосий мақсадимиз — қурилиши бошланган ва мамлакатимизнинг саноат ишлаб чиқариш таркибини тубдан ўзгартиришга хизмат қиладиган объектларни барпо этиш суръатларининг пасайишига йўл қўймашлик принципиал аҳамиятга эга. Жорий йилда 115 та муҳим объектни ишга тушириш кўзда тутилмоқда. Ҳамкорларимиз билан келишилган янги объектлар қурилишини бошлашни тезлаштириш зарур. Шулар қаторида Қўнғирот сода заводининг иккинчи навбатини, “Резинотехника” очик акциядорлик жамияти негизда автомобиль шиналари ишлаб чиқаришни йўлга қўйиш, бир қанча қўшма корхоналарнинг қувватини ошириш лозим.

Ҳокимликлар қарорлари

амалдаги қонунлар талабларига мосми?

Ижро ҳокимияти фаолияти

Кейинги йиллар мобайнида ҳудудларни иқтисодий-ижтимоий ривожлантириш, у ерда истиқомат қиладиган фуқароларнинг қонуний ҳуқуқ ва манфаатларини ҳимоя қилинишини таъминлаш борасида маҳаллий ижро этувчи ҳокимият органларининг роли, айниқса, уларнинг ҳуқуқ ижодкорлиги фаолияти муҳим аҳамият касб этиб келмоқда.

Бу борада ўтган йиллар мобайнида мамлакатимизда норматив-ҳуқуқий ҳужжатларни тайёрлаш, уларни қабул қилиш ва ижросини ташкил этиш бўйича кўплаб қонун ҳужжатлари қабул қилиниб, ҳуқуқий база яратилди.

Жумладан, 2012 йилнинг 24 декабрида “Норматив-ҳуқуқий ҳужжатлар тўғрисида”ги Ўзбекистон Республикаси Қонуни янги таҳрирда қабул қилиниши, жорий йилнинг 1 февралда Адлия вазирлиги томонидан “Маҳаллий давлат ҳокимияти органлари томонидан қабул қилинадиган норматив-ҳуқуқий ҳужжатлар лойиҳаларини тайёрлаш, юридик-техник расмийлаштириш ва ҳуқуқий экспертизадан ўтказиш тартиби тўғрисида”ги

Йўриқнома тасдиқланганлиги ҳам юқорида қайд этилган фикримизни тасдиқлайди.

Ушбу қонун ҳужжатларда норматив-ҳуқуқий ҳужжатлар тушунчаси, турлари, ўзаро нисбатини аниқлаш, норматив-ҳуқуқий ҳужжатларни тайёрлаш тартибига ва уларнинг мазмунига қўйиладиган асосий талабларни белгилаш ва уларнинг ижроси ташкил этилишини таъминлаш каби масалалар белгилаб берилганлиги эса келгусида қабул қилинадиган норматив-ҳуқуқий ҳужжатларни янада мукамал ва ҳар томонлама пухта бўлишида муҳим аҳамият касб этади.

“Адолат”нинг адолатли аёллари

Қамолитдин Бехзод номидаги миллий расомлик ва дизайн институти проректори, санъатшунослик фанлари доктори, профессор, Ўзбекистон “Адолат” СДП “Аёллар қаноти” Кенгаши аъзоси Дилфуза Раҳматуллаева бугунги кун фаол аёлларидан бири. Тиниб-тинчимас, фидойи бу олима мамлакатимизга малакали кадрлар етказиб бериш билан бирга, қатор жамоат ташкилотлари билан ҳам яқин ҳамкорликда фаолият кўрсатиб келмоқда.

Адолат — фаровонлик негизи



